

卷二

書名 春秋公羊註疏二十八卷
 撰者 漢 何休 學, 唐 陸德明 音義, □ 闕名
 疏
 卷二
 內容分類 經 春秋 春秋公羊 唐
 索書號 經部 彙刻 1
 編號 A 318400

[彩色首頁1](#)

[東洋文化研究所漢籍目錄 編號: A 318400](#)

[東洋文化研究所漢籍目錄所藏漢籍善本全文影像資料庫 索書號: 經部 彙刻 1](#)

[漢籍善本全文影像資料庫文本春秋公羊註疏二十八卷](#)

版權所有: [東京大學](#) [東洋文化研究所](#)

[使用上的注意事項](#)

春秋公羊註疏隱公卷第一

起元年
盡元年

漢何休學

春秋公羊經傳解詁隱公第一

○陸曰解詁佳買何
反下音古訓也

何

休學

○學者言爲此經
之學即註述之意



春秋至第一○解云案
舊題云春秋隱公經傳

解詁第一公羊何氏則云春秋者一部之總名隱
公者魯侯之諡號經傳者雜縟之稱解詁者何所
自目第一者無先之辭公羊者傳之別名何氏者
邵公之姓也今定本則升公羊字在經傳上退隱
公字在解詁之下未知自誰始也又云何休學今
案博物志曰何休註公羊云何休學有不解者或
答曰休謙辭受學於師乃宣此義不出於已此言
爲允是其義也○問曰左氏以爲魯哀十一年夫
子自衛反魯十二年告老遂作春秋至十四年經
成不審公羊之義孔子早晚作春秋乎○答曰公

立愛自親始。○解云：即祭義云：子曰：立愛自親始。教人睦也。立敬自長始。教人順也。鄭註云：親長父兄也。睦厚也是。○故春至祖禰。○解云：即大傳云：上治祖禰尊尊也。下治子孫親親也。旁治昆弟合族以食序之。昭穆別之。以仁義人道竭矣。鄭註云：治猶正也。竭盡也。○取法至法式。○解云：考諸舊本皆作式。字言取十二公者。法象天數。欲著治民之法。式也。若作戒字。言著治亂之法。著治國之戒矣。○諸侯至公孫。○解云：世喪服傳也。

春秋公羊註疏隱公卷第一 終



春秋公羊註疏隱公卷第二 起二年 盡四年

漢何休學

二年春公會戎于潛。凡書會者惡其虛內務恃外好也。

也。古者諸侯非朝時不得踰竟。所傳聞之。世外離會不書。書內離會者。春秋王魯明當先自詳正躬自厚。

而薄責於人。故畧外也。王者不治夷狄。錄戎者來者勿拒去者。勿追東方曰夷。南方曰蠻。西方曰戎。北方

曰狄。朝聘會盟例皆時。○惡烏路反。好呼報反。非朝

踰竟。同境今本多即作境。字更。○凡書會者至外

不音所傳直專反。年未相傳同。○解云：以其

不音所傳直專反。年未相傳同。○解云：以其

公羊疏 卷之二

非自求多福之義故也。○**註**古者諸侯至踰境。○解云案曲禮下云諸侯相見於隙地曰會。故定十四年之則會合於禮言會為惡之非朝時不得踰境者正以春秋之會非為天子而作之故得然解。○**註**古者不治至勿追。○解云言當是所傳聞之世王者草創夷狄有罪不暇治之。即先書晉滅下陽末書楚滅穀。鄧是也。而此經錄戎者來者勿拒故也。○**註**東方曰夷至日狄。○解云下曲禮及王制皆有此文。○**註**朝聘至皆時。○解云朝書時者即文十五年夏曹伯來朝昭十七年春小邾子來朝之類是也。其聘書時者即文四年秋衛侯使甯俞來聘文六年夏季孫行父如陳之屬是也。其會書時者即莊十三年春齊侯宋人以下會于北杏十四年冬單伯會齊侯宋公以下于鄆之屬是也。盟書時者即莊十三年冬公會齊侯盟于柯之屬是也。其有書日月者皆別著義。即不信者曰小信者。月之屬是也。

夏五月莒人入向。傳入者何得而不居也。**註**入者以兵

入也。已得其國而不居。故云爾。凡書兵者正不得也。外內深淺皆舉之者。因重兵害眾兵動則怨結禍更相報償。伏尸流血無已時。諸侯擅興兵不為大惡者。保伍連帥本有用兵征伐之道。魯人杞不諱是也。入

例時傷害多則月。○莒音舉。向舒亮反。國名。更音庚。償時亮反。擅市戰反。**註**入者

何。○解云。侵伐戰圍入皆是用兵之文。而不言帥師。故執不知問。○**註**凡書兵至得也。○解云。言春秋之

內。凡書兵事者皆欲言正之道。其理不合然。○**註**諸


侯至是也。○解云。保伍連帥者。即禮記王制云。五國為屬。屬有長。二屬為連。連有帥。是也。言本有用兵征伐之道者。謂禮五國為屬。屬有長。二屬為連。連有帥。



三連為卒卒有正七卒為州州有伯若州內有無道者則長帥正伯當征之若其不征則與同惡故曰有征伐之道知非大惡者正以春秋之義內大惡皆諱不書而魯入杞者即僖二十七年秋公子遂帥師入杞者是也若然禮法諸侯賜弓矢然後專征伐而保伍連帥得有征伐之道謂隨州伯故也○入例至則月○解云入例時者即成七年秋吳入州來定五年夏於越入吳之屬是也傷害多則月者此文及僖三十三年春王二月秦人入滑是也若然僖二十七年秋八月乙巳公子遂帥師入杞而書日者彼註云日者杞屬脩禮朝魯雖無禮君子躬自厚而薄責於人不當乃入之故錄責之者是其不引者以此求之

無駭帥師入極傳**無駭者何展無駭也何以不氏**傳**據**

公子遂帥師入杞氏公子也○駭戶無駭者何○惜反○解云欲言其君經不書爵欲言大夫又復無氏故執不知問○據公子遂帥師至子也○解云在僖二十七年秋



貶貶猶損也○貶彼檢反損也**曷為貶**據公子遂俱川

兵入杞不貶也**疾始滅也**以下終其身不氏知貶

疾始滅非但起入為滅○據公子遂俱用至貶也○解云欲決隱八年庚寅

我入邴非用兵故也○以下終至為滅○解云即下八年無駭卒傳曰何以不氏疾始滅也故終其身

不氏然則若直欲起此入為滅止應此終貶之始滅而已不應終身貶之故知并欲起其疾始滅也

昉於此乎昉適也齊人語**昉適也**齊人語**據傳言撥亂世**昉甫也○昉適也齊人語○解云胡毋生齊人故知之

也○若鄭譜云然則詩之道放于此乎之類○傳言撥亂世○解云哀十四年傳云君子曷為為春秋撥亂世反諸正莫近諸春秋是也既言作春秋治亂世明知往相滅非一矣而

前此矣前此者在

此經為始疾滅是以據而難之

春秋前謂宋滅郕是也○郕古報反前此則曷為始乎此

託始焉爾○焉爾猶於是也○謂宋滅郕是也○解云桓二年夏四月

取郕大鼎于宋傳云此取之宋其謂之郕鼎何器從名彼註云從本主名各之宋始以不義取之故謂之

郕鼎是也然則宋滅郕在春秋前故如此解曷為託始焉爾○据戰伐不


言託始○据戰至託始○解云隱二年鄭人伐衛桓十年齊侯衛侯鄭伯來戰于郎傳皆不

言託始焉爾故難之而註先言戰者直漫據春秋上下戰伐之事而已故意及則言不為次第矣春

秋之始也○春秋託王者始起所當誅也言疾始滅

者諸滅復見不復貶皆從此取法所以省文也○復見

又反下不復同○復見不復貶即定四年蔡公孫歸見音賢徧反



姓帥師滅沈定六年鄭游○此滅也其言入何○据齊

遯帥師滅許之屬是也○明魯臣子當為君父

諱滅例月不復出月者與上同月常案下例當蒙上

月日下○當為于偽反○据齊師滅譚不言入○下為後背隱同○解云在莊十年○滅例

月至同月○解云莊十年冬十月齊師滅譚莊十三年夏六月齊人滅遂之屬是也○常案下至口下

以彼月為下公子益師卒其祭伯來奔不蒙月今此

夏五月二事皆蒙之嫌其異故重發之

秋八月庚辰公及我盟于唐○後不相犯日者為後背

隱而善桓能自復為唐之盟○背○後不相至之音佩○盟○解云春秋

之例不信者日故後不相犯日者言為後背隱而善桓能自復為唐之盟者即桓二年秋九月公及戎盟于唐是也言背隱者桓是弑君之賊而與桓盟是背隱之義矣言善桓能自復者戎與桓同好相隨繼其所能故善其得國矣若左氏之義以極是戎國都案此經傳及註似非一物而舊解曰以為戎能自復者也非


九月紀履緌來逆女**傳**紀履緌者何**紀**以逆

女不稱使知為大夫○履緌音須左氏為裂繻**傳**紀履緌者何○

不言使君臣不明故執不知問○**傳**以逆至大夫○

解云正以桓三年秋公子翬如齊逆女之屬皆是大夫為君逆女而文皆不言使今此履緌逆女何以不

稱使傳據宋公使公孫壽來納幣稱使婚禮不稱主



人為養廉遠恥也傳據宋公至稱使○解云在

也者謂養成其廉遠其慙恥也然則曷稱稱諸父兄師友宋公使公

孫壽來納幣則其稱主人何辭窮也辭窮者何無母

也傳禮有母母當命諸父兄師友稱諸父兄師友以

行宋公無母莫使命之辭窮故自命之自命之則不

得不稱使傳辭窮者何○解云弟子未解辭窮之義

云即昏禮記云言子無父母命之是也○稱諸父

至以行○解云謂使者稱之而文不言使者以其非

君故也○宋公至稱使○解云即然則紀有母乎

昏禮記云親皆沒已躬命之是也

主人何不稱母通使文母不通也禮婦人無外事

但得命諸父兄師友稱諸父兄師友以行耳母命不

得達故不得稱母通使文所以遠別也列彼外逆

女不書此何以書據伯姬歸于宋不書逆人

伯至逆人○解譏譏猶譴也○譴遣何譏爾譏始


不親迎也禮所以必親迎者所以示男先女也於

廟者告本也夏后氏逆於庭殷人逆於堂周人逆於

戶○親迎魚敬反註禮所至先女也○解云出

戶及下同先悉薦反昏義交○於廟者至於戶

○解云即書傳云夏后氏逆於廟庭始不親迎昉於



此乎前此矣以惠公妃匹不正不嫌無前也音配

又芳重以惠至前也○解云不以正妃匹者是不

前此則曷為始乎此託始焉爾焉爾猶於是也曷

為託始焉爾據納幣不託始春秋之始也春秋

正夫婦之始也夫婦正則父子親父子親則君臣和

君臣和則天下治故夫婦者人道之始王教之端內

逆女常書外逆女但疾始不常書者明當先自正躬

自厚而薄責於人故畧外也治直夫婦正至

昏義鄭註云言子受氣性純則孝則忠是也遂成

內逆女常書者即桓三年公子翬宣元年公子遂成

十四年叔孫僑如之屬是也

女曷為或稱女或稱婦或稱夫人女

在其國稱女

未離父母之辭紀履綸來逆女是也

○未離力智反下註同

在塗稱婦

在塗見夫服從之辭公子

結媵陳人之婦是也

女曷為或稱女者即此經是也或稱婦者莊十九年陳人之婦是也

之婦是也○在塗見至之辭○解云案僖二十五年宣元年傳皆云其稱婦者何有姑之辭也者兼二

義故也何者在塗稱婦者對姑生稱也

入國稱夫人

國則尊尊有臣子之辭夫人姜氏入是也紀無大夫

書紀履綸者重婚禮也月者不親迎例月重錄之親

迎例時

入國至入是也

秋是也

月者至例時

解云不親迎

解云在莊二十四年

解云不親迎

解云不親迎

解云不親迎

解云不親迎



例月者即此文及桓三年秋七月公子翬宣元年正月公子遂之屬是也其親迎時者即莊二十四年夏公如齊逆女莊二十七年冬莒慶來逆叔姬之屬是也有不如此者別見義即文四年夏逆婦姜成十四年秋叔孫僑如之屬是也當文自有解不能逆說也

冬十月伯姬歸于紀

伯姬者何內女也

以無所繫

也不稱公子者婦人外成不得獨繫父母

伯姬者何○解

云欲言內女於紀言歸欲言外女文無所繫故執不知問○不稱公至父母○解云正以莊元年傳云

羣公子之舍則已卑矣明有得稱公子之道故註者決之

其言歸何

據去父母

國也婦人為嫁曰歸

婦人生以父母為家嫁以夫

為家故謂嫁曰歸明有二歸之道書者父母恩錄之

也禮男之將取三日不舉樂思嗣親也女之將嫁三夜不息燭思相離也內女歸例月恩錄之

○取七

疏

婦人生至為家○解云謂始生時○明有二歸之道也○解云即此伯姬歸于紀宣十六年秋鄭伯姬來歸之屬是也○禮男之至女將嫁○解云皆出禮記曾子問○內女歸至錄之○解云即此文冬十月隱七年三月叔姬歸于紀成九年二月伯姬歸于宋之屬是也

紀子伯莒子盟于密傳紀子伯者何無聞焉爾言無

聞者春秋有改周受命之制孔子畏時遠害又知秦將燔詩書其說口授相傳至漢公羊氏及弟子胡毋生等乃始記於竹帛故有所失也
○紀子伯左氏作子帛遠于萬反燔



扶元反疏紀子伯者何○解云欲言紀君經不稱侯毋音無疏欲言大夫復敘人君之上故執不知問

十有二月乙卯夫人子氏薨傳夫人子氏者何隱公之

母也以不書葬疏夫人子氏者何○解云欲言魯

執不知問○以不書葬○解云今隱公欲表已讓故宜屈卑其母不成夫人之禮是以見其不書葬知其是隱公母也
何以不書葬疏据嬖氏書葬音似疏据嬖

○解云即定十五年九月辛巳葬定嬖是也彼定嬖之子哀公者未踰年之君也其母亦得書葬今隱公雖欲讓桓不作成君應比未踰年
成公意也何成乎

之君今其母不書葬故據而難之
公之意疏据已去即位去起
子將不終為君故母

亦不終為夫人也疏時隱公卑屈其母不以夫人禮

葬之以妾禮葬之以卑下桓母無終為君之心得事
之宜故善而不書葬所以起其意而成其賢子者姓

也夫人以姓配號義與仲子同書薨者為隱公恩錄
痛之也日者恩錄之公夫人皆同例也

○下還嫁反

者至子同○解云上文仲子之下而註云仲字子姓
婦人以姓配字不忘本國示不適同姓今此稱姓者
亦是示不適同姓之義故云義與仲子同其不稱
字之義乃自與故註云以姓配號號即夫人是也


鄭人伐衛

書者與入

向同侵伐圍入例皆時

○者與

入向同○解云即上註云凡書兵者正不得也外伐
深淺皆舉之者因重兵害眾是也○**侵伐圍入**
皆書時○解云其侵伐書時者即僖二十八年春晉
侯侵曹晉侯伐衛之屬是也入例時者已說於上



註言此者正以文承
日月之下故須解之

三年春王二月

二月三月皆有王者

二月殷之正月

也三月夏之正月也王者存二王之後使統其正朔

服其服色行其禮樂所以尊先聖通三統師法之義

恭讓之禮於是可得而觀之

○二月至王者○解云二月有王即此是

三月有王者即定元年王三月之屬是也○**使統**
其正朔○解云統者始也謂各使以其當代之正朔
為始也○**所以尊至觀之**○解云春秋黜杞而言
通三統者黜杞為魯也通三王之正者為師法之意

已巳日有食之

何以書

諸言何以書者問主書

諸言至主書○解云至此乃解之者正以有所
據下言何以書者還在據彼難此之例故不得然

解也即上二年傳云外逆女不書此何以書是也今此直言何以書上無所据則是問主書故如此解

記異也

註

異者非常可怪先事而至者是後衛州吁

弑其君完諸侯初僭魯隱係獲公子翬進諂謀

其申

志反下弑其君同翬

註

是後衛至完○解云在四

許韋反諂勅檢反

註

年春○諸侯初僭○解云

下五年秋初獻六羽傳云何以書譏何譏爾譏始僭

諸公也始僭諸公妨於此乎前此矣前此則曷為始

乎此僭諸公猶可言也僭天子不可言也是也○

魯隱係獲者○解云即下六年春鄭人來輸平傳云

狐壤之戰隱公獲焉是也○

下四年秋翬帥師及宋公以下伐鄭傳云公子翬諂

乎隱公謂隱公曰百姓安子諸侯說子蓋終為君

矣是也此等諸事皆是陰陽之象故取之日食

食則曷為或日或不日或言朔或不言朔日某月某

日朔日有食之者食正朔也

註

桓三年秋七月壬辰

朔日有食之是也此象君行外疆內虛是故日月之

行無遲疾食不失正朔也

註

日食則曷為或日者○

者莊十八年三月日有食之是也或言朔者桓三年

秋七月壬辰朔日有食之是也○

○解云外疆者謂外有威嚴其民臣望而畏之內虛

者虛心以受物正得為君之道故食不失正朔也祭

義云虛中以治之鄭註云其或日或不日或失之前


或失之後失之前者朔在前也

註

謂二日食已巳日

有食之是也此象君行暴急外見畏故日行疾月行

遲過朔乃食失正朔於前也失之後者朔在後也



謂晦日食莊公十八年三月日有食之是也此象君行懦弱見陵故日行遲月行疾未至朔而食失正朔於後也不言月食者其形不可得而覩也故疑言日有食之孔子曰多聞闕疑慎言其餘則寡尤不傳天下異者從王錄內可知也

○懦乃亂反
○乃卧反
○不傳至
○可知也
○

解云正以僖十四年沙鹿崩成五年梁山崩傳皆云何以書記異也外異不書此何以書為天下記異也今無此傳故須解之也彼不從王內錄者以其皆在晉竟內故也


三月庚戌天王崩

平王也

何以不書葬

據書葬

桓王 平王也 ○解云知者以本紀當之故也 ○
據書葬桓王 ○解云即莊三年五月葬桓



王是也 天子記崩不記葬必其時也 至尊無所屈也

諸侯記卒記葬有天子存 存在不得必其時也

設有王后崩當越紼而奔喪不得必其時故恩錄之

○紼音弗 ○設有不奔喪 ○解云何氏以意言 ○音弗 ○之不言天子崩者舉輕以明重故也 曷為或

言崩或言薨天子曰崩 大毀壞之辭 諸侯曰薨 小毀壞之辭

大夫曰卒 卒猶終也 士曰不祿 不祿無祿也

皆所以別尊卑也葬不別者從恩殺畧也

書崩者為天下恩痛王者也記諸侯卒葬者王者亦

當加之以恩禮故為恩錄 ○以別彼列反下同 恩殺

為主為傳為同

夏四月辛卯尹氏卒傳尹氏者何天子之大夫也禮以

尹氏立王子朝也禮尹氏左氏作禮尹氏者何禮解

言國爵欲言外臣而書其卒欲言內臣內無尹氏故

執不知問禮以尹氏立王子朝也禮解云在昭二

年禮其稱尹氏何禮据宰渠氏官劉卷卒名禮音權禮

禮据宰渠氏官禮解云即桓四年夏天王使宰渠

伯糾來聘是禮劉卷卒名禮解云在定四年秋

曷為貶禮据俱卒也禮解禮譏世卿禮

世卿者父死子繼也貶去名者氏者起其世也若曰

世世尹氏也禮去起禮世卿非禮也禮禮公卿大夫士

皆選賢而用之卿大夫任重職大不當世為其秉政

久恩德廣大小人居之必奪君之威權故尹氏世立

王子朝齊崔氏世弑其君光君子疾其末則正其本

見譏於卒者亦不可造次無故驅逐必因其過卒絕

之明君案見勞授賞則眾譽不能進無功案見惡行

誅則眾讒不能退無罪禮見譏賢偏反禮世卿非禮

禮下同造七報反禮也禮解云


詩序云古之仕者世祿也於賢者言之也禮齊崔

至君光禮解云崔氏世者即宣十年齊崔氏出奔衛

傳云崔氏者何齊大夫也其稱崔氏何貶曷為貶譏

世卿世卿非禮也者是也言弑其君光者在襄二十


五年夏禮君子疾其末禮解云即襄二十五年與



宣十年是也。○見譏至絕之。○解云必因過卒絕之者過即崔氏出奔衛尹氏立王子朝是也卒即此文是也若然尹氏立王子朝還言尹氏而崔杼弑其君光不復言崔氏者正以大夫弑君例稱其名故也。○明君至無功。○解云衆譽者若共工鯀等迭相為譽之類是也。○案見惡至無罪。○解云謂君有明德案見惡行誅則刑不濫也故雖衆譏亦不能退黜無罪之善人也。○舊云言不能退無罪者謂不能退使無罪。○外大夫不卒此何以卒。○據原仲不卒。○原仲不卒。○解云即莊二十七年秋公子友如陳葬原仲而經不書原仲之卒是也。○天王崩諸

侯之主也。○時天王崩魯隱往奔喪尹氏主饋贊諸侯與隱交接而卒恩隆於王者則加禮錄之故為隱

恩錄痛之日者恩錄之明當有恩禮。○時天至恩禮。○解云魯



隱奔喪而不書者蓋以其常故也若遣大夫往則書之即文九年二月叔孫得臣如京師辛丑葬襄主是也彼傳云王者不書葬此何以書不及時書過時書彼註云重錄失時我有往者則書彼註云謂使大夫往也惡文公不自往故書葬以起大夫之會是也。○恩隆至錄之。○解云言隱公恩隆於王者則加禮錄其饋贊之人也。

秋武氏子來求賻。武氏子者何天子之大夫也其稱

武氏子何。據宰渠氏官仍叔不稱氏尹氏不稱子

武氏子者何。○解云欲言王臣不言王使欲言諸侯之臣文無繫國故執不知問。○據宰渠氏官

仍叔不稱氏。○解云即桓五年天王使仍叔之子

來聘。○譏何譏爾父卒子未命也。○時雖世大夫緣孝

子之心不忍便當父位故順古先試一年乃命於宗廟武氏子父新死未命而便為大夫薄父子之恩故

稱氏言子見未命以譏之

疏時雖世大夫○解云知者正見尹氏之屬故

也○**疏**緣孝至宗廟○解云知如此者正何以不稱

使**疏**據南季稱使**疏**據南季稱使○解云即下九年春天王使南季來聘是也

當喪未君也**疏**當喪謂天子也未君者未三年也未

可居君位稱使也故絕正其義與毛伯同**疏**未君

○解云即文九年春毛伯來求金傳云何以不稱使當喪未君也踰年矣何以謂之未君以天子三年然後稱王緣民臣之心不可一日無君故踰年即位緣孝子之心即三年不忍當是故三年乃稱王命使大

夫武氏子來求賻何以書**疏**不但言何以書者嫌以

主覆問上所以說二事不問求賻**疏**○覆芳**疏**不但

○解云上二事者即父卒子未命當喪未君是也嫌言父卒子未命何以書當喪未君何以書故須連言

之譏何譏爾喪事無求求賻非禮也**疏**主為求賻書


也禮本為有財者制有則送之無則致哀而已不當

求求則皇皇傷孝子之心**疏**主為求賻書也○解

○**疏**求則皇至子之心○解云言制禮本意所以喪事無求者恐傷孝子之心故也何者正以孝子本意

無心蓋通于下**疏**云爾者嫌天子財多不當求下財

少可求故明皆不當求之**疏**蓋通于下○解云蓋詰為皆若似蓋云歸哉之



類武者不受於師故疑之

八月庚辰宋公和卒

不言薨者春秋王魯死當有王

文聖人之為文辭孫順不可言崩故貶外言卒所以

褒內也宋稱公者殷後也王者封二王後地方百里


爵稱公客待之而不臣也詩云有客宿宿有客信信

是也○孫音遜故貶至內也○解云魯得尊名不與外諸侯同文即是尊魯為王之義

冬十有二月齊侯鄭伯盟于石門

癸未葬宋繆公○傳葬者曷為或日或不及時而日

渴葬也○傳不及時不及五月也禮天子七月而葬同



軌畢至諸侯五月而葬同盟至大夫三月而葬同位

至士踰月外姻至孔子曰葬於北方北首三代之達

禮也之幽之故也渴喻急也乙未葬齊孝公是也○宋

繆公音穆左氏作穆凡此後倣此首手又反○傳禮天子至姻至○解云

子至故也○解云檀弓下篇文云孔子曰之下無禮

字○傳渴喻至是也○解云即僖二十七年六月庚

寅齊侯昭卒八月乙未葬齊孝公是也而言渴不及

葬者謂更無他事但孜孜於葬故不待五月矣○傳

時而不日慢葬也○傳慢薄不能以禮葬也八月葬祭

宣公是也○傳慢薄至葬也○解云即下八年夏六

痛賢君不得以時葬丁亥葬齊桓公是也○解云即僖十七年冬十二月乙亥齊侯小**過時而**○隱痛至是也

○解云即僖十七年冬十二月乙亥葬齊桓公是也**不日謂之不能葬也**○解緩不能以時葬夏四月葬

衛桓公是也○解古避反**當時而不日正也**○解云

州吁弑其君完至五年**當時而不日正也**○解云


夏四月葬衛桓公是也**當時而不日正也**○解云

陳惠公是也**當時而不日正也**○解云

已陳侯吳卒六月**當時而日危不得葬也此當時何**

葬陳惠公是也**危爾宣公謂繆公曰以吾愛與夷則不若愛女以為**

社稷宗廟主則與夷不若女盍終為君矣○與夷者



宣公之子繆公者宣公之弟○與夷如字又音餘凡

倣首音借倣字則時復重出愛女音**當時至葬也**

汝下及註同盍終戶臘反四年傳同**當時至葬也**

年八月宋公和卒十二月癸未葬宋繆公是也而註

不言之者以下有問不註可知也○以吾至愛女○

解云若如也言吾愛於與夷則不止如女而已言其

甚也云以為社稷宗廟主則與夷不若女者言不如

女道其不賢云盍終為君矣**宣公死繆公立繆公逐**

其二子莊公馮與左師勃○馮皮

母音無**曰爾為吾子生母相見死母相哭**○馮皮

之二子而將致國乎與夷此非先君之意也且使子

而可逐則先君其逐臣矣繆公曰先君之不爾逐可

知矣爾女也可知者欲使我反國吾立乎此攝也

國暫攝行君事不得傳與子也謙辭傳與直專反下音音與終


致國乎與夷莊公馮弒與夷馮與督共弒殤公在

桓二年危之於此者死乃反國非至賢之君不能不

爭也馮弒音試註馮與至二年○解云即桓同爭爭鬪之爭

其君與夷及其大夫孔父是也○死乃至爭也○解云至賢之君謂受國者正以與夷不賢故終見篡

矣故君子大居正明修法守正最計之要者



子大居正解云言由是之故君子之人大其適子居正不勞違禮而讓庶也宋之禍宣公

為之也言死而讓開爭原也繆公亦死而讓得為

功者反正也外小惡不書錄渴隱者明諸侯卒王者

當加恩意憂勞其國所以哀死閔患也言死而

解云言後人見其死乃讓已疑非誠心至意是以還讓其子終致後禍故曰開爭原也○繆公至反正

也○解云其繆公之功即桓三年馮弒君是也○所以哀死閔患也○解云哀死者即慢之屬是也閔

患者隱之是也

四年春王二月莒人伐杞取牟婁牟婁者何杞之邑

也以上有伐杞○牟武取邑例所不書疑非凡

取故執不知問外取邑不書此何以書據楚子伐宋取彭

城不書石走之楚楚為之伐宋取彭城以封魚石

者是疾始取邑也外小惡不書以外見疾始著取

邑以自廣大比於貪利差為重故先治之也內取邑

常書外但疾始不常書者義與上逆女同不傳託始

者前此有滅不嫌無取邑當託始明故省文也取邑

例時見疾賢徧反年未內取邑常書者解

三十二年取闕之屬是也義與上逆女同解

明當先自正躬自厚而薄責於人故畧外是也不傳託始者



前此矣前此則曷為始於此託始為爾曷為託始焉
爾春秋之始也凡不託始之義有四一則見其經而
不託始即上二年彼註云據戰伐不言託始納幣不
託始之類是也二則其大惡不可託始即五年初獻
六羽之下傳云始僭諸公昉於此乎前此矣前此則
曷為始於此僭諸公猶可言僭天子不可言彼註云
傳云爾者解不託始也三則省文不假託始即此是
也四則無可託始即桓七年焚咸丘之下註云傳不
託始者前此未有無所託也是也取邑例時
雖在月下不蒙上月也

戊申衛州吁弑其君完曷為以國氏據齊公子商

人弑其君舍氏公子從受不同也君父言弑積漸之

名也臣子云殺卑賤之意也字多亂故公子解

云在文十四年秋也商人所以得稱公子當國也

與段同義日者從外赴辭以賊聞例

鄭所以見段之凶逆是也

公羊之例合書則書不待赴告而言從外赴辭者謂

其君被弑此君之臣即以其日赴於天子諸侯望天


外赴辭也言以賊聞例者言以賊弑君聞於天子諸

侯例日如此故下八年傳云卒何以日而葬不日卒

赴何氏云赴天子也緣天子閔傷欲其知之義亦通

夏公及宋公遇于清 傳 遇者何不期也 一君出一君要

之也 古者有遇禮為朝天子若朝罷朝卒相遇于



塗近者為主遠者為賓稱先君以相接所以崇禮讓

絕慢易也當春秋時出入無度禍亂姦宄多在不虞

無故卒然相要小人將以生心故重而書之所以防

禍原也言及者起公要之明非常遇也地者重錄之

遇例時 要之一遙反 遇者何 解云欲言冬見

言會故執不知問 其言及者至遇也 解云正以

及者汲汲之文故也 其常遇者即朝天子罷朝之時

相遇于塗是也 遇例時 解云即隱八年春宋

公衛侯遇于垂莊三十年冬公及齊侯遇于魯濟及

此之屬皆是而僖十四年夏六月季姬及 鄆子遇于防書月者彼註云甚惡內是也

宋公陳侯蔡人衛人伐鄭

秋翬帥師會宋公陳侯蔡人衛人伐鄭傳翬者何公子

翬也注以入桓稱公子注翬者何○解云無公子故

公子○解云即桓三年秋注執不知問○注以入桓稱

公子翬如齊逆女是也何以不稱公子貶曷為貶

注据叔老會鄭伯伐許不貶注据叔至不貶○解

與弑公也注弑者殺也臣弑君之辭以終隱之篇貶


知與弑公也注○與弑音預注以終隱至弑公○解

師會齊人鄭人伐宋傳云此公子翬也何以不稱公

子貶曷為貶隱之罪人也故終隱之篇貶也是也

其與弑公奈何公子翬諂乎隱公注諂猶佞也謂隱

公曰百姓安子諸侯說子盍終為君矣隱公曰否注



否不也注說音悅吾使修塗裘吾將老焉注塗裘者邑名

也將老焉者將辟桓居之以自終也故南面之君勢

不可復為臣故云爾不以成公意者隱本為桓守國

國邑皆桓之有不當取以自為也注將辟音避今本

更音復扶又反本為于偽注多即作避字後不

反下自為傳吾為皆同注不以成至為也○解

不言即位成公意也此傳何以不言營塗裘何以不

書成公意也言隱非正君直為他守國而已邑非已

有不得擅取之取之非是公子翬恐若其言聞乎桓

於是謂桓曰吾為子口隱矣注口猶口語相發動也

注口猶至動也○解云語隱曰吾不反也桓曰然

則奈何曰請作難

註

難兵難也

○難乃且

弑隱公

註

諡者傳家所加

註

諡者至所加也○解云死諡周道也今始請弑已言隱公者公羊子

從後加之所以至此乃

於鍾巫之祭焉弑隱公也

註

鍾者地名也巫者事鬼神禱解以治病請福者也男

曰覲女曰巫傳道此者以起淫祀之無福

○禱解丁老反或丁

報反下

註

男曰覲女曰巫○解云楚語文也○古賣反

盡而必言於鍾巫之祭焉者以起淫祀之無福故也

九月衛人殺州吁于濮

傳

其稱人何

註


據晉殺大夫里克俱弑君賊不稱人一音剝

克俱弑君賊不稱人

○濮音卜

疏

據晉殺大夫里克○解云在僖十



者討賊之辭也

註

討者除也明國中人人得討之所

以廣忠孝之路書者善之也討賊例時此月者久之

也

註

討賊例至久之也○解云討賊例時者莊九年春齊人殺無知是也桓六年秋八月蔡人殺

陳佗亦書月者與此同也

冬十有二月衛人立晉

傳

晉者何公子晉也

註

以下有

衛侯晉卒又言立

疏

晉者何○解云欲言次正而文言立欲言非正而舉眾立之故

執不知問○以下至言立○解云以有衛侯晉卒則知此文衛人立晉者是先君之子今始立之為君

矣又言立者纂文知非正太子故知

立者何立者不

宜立也

註

諸侯立不言立此獨言立明不宜立之辭

疏立者何○解云諸侯之立例所不書今特言立故執不知問其稱人何**疏**据尹

氏立王子朝也**疏**云在昭二十三年秋**疏**眾立之之辭

也**疏**晉得眾國中人人欲立之然則孰立之石碯立

之石碯立之則其稱人何**疏**据尹氏立王子朝不稱


人○**疏**七畧反一音十洛反**疏**眾之所欲立也眾雖欲立之其立之

非也**疏**凡立君為眾眾皆欲立之嫌得立無惡故使

稱人見眾言立也明下無廢上之義聽眾立之篡也

不刺嗣子失位者時未當喪典主得權重也月者大

國篡例月小國時立納入皆為篡卒日葬月達於春



秋為大國例主書從受位也**疏**篡初**疏**不刺至權

刺桓公嗣子失位者即不書晉之立矣故襄十四年

衛侯衍出奔齊襄二十六年傳云曷為不言剽之立

不言剽之立者以惡衛侯也彼註云欲起衛侯失眾

出奔故不書剽立剽立無惡則衛侯惡明矣今書晉

立則不刺嗣子可知**疏**月者至國時○解云大國

篡例月者即此文冬十二月衛人立晉莊六年夏六

月衛侯朔入于衛哀六年秋七月齊陽生入于齊之

屬是也而莊九年夏齊小白入于齊不月者彼註云

不月者移惡于魯也其小國時者即僖二十五年秋

楚人圍陳納頓于頓昭元年秋莒去疾自齊入于

莒之屬是也**疏**立納入皆為篡○解云立為篡者

此文衛人立晉昭二十三年尹氏立王子朝之屬是

也其納為篡者納頓于頓及文十四年晉人納捷

菑之屬是也其入為篡者小白陽生之屬是也○**疏**

卒日至大國例○解云隱八年夏六月巳亥蔡侯考

父卒秋八月葬宣公之屬是也○**疏**主書從受位也

○解云衛主惡晉之從立矣

春秋公羊註疏隱公卷第二終



春秋公羊註疏隱公卷第三

起五年 盡十一年

漢何休學

五年春公觀魚于棠何以書譏何譏爾遠也公曷為

遠而觀魚據浚洙也○觀魚左氏作矢魚浚洙

也○解云莊九年冬浚洙傳曰洙者何水也浚之者何深之也曷為深之良齊也註云洙在魯北齊所由來然則近國北自有洙水何故遠至棠地而觀魚乎故難之登來之也登讀言

得來得來之者齊人語也齊人名求得為得來作登來者其言大而急由口授也○登來依

注登音得語也○解云齊人名求得為得來而云此者謂齊人急語之時猶得聲如登矣○由口授也○解云謂高語之時猶